

დადგენილება #ე.პ. 0499-21  
გაფრთხილების სახით ადმინისტრაციული სახდელის  
დადების შესახებ

თბილისი

18 ნოემბერი 2021

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2021 წლის 18 ნოემბერი

3. ცნობები პირის შესახებ, რომლის მიმართ განიხილება საქმე:

შპს „ხეკორძულა“

მდებარე, იურიდიული მისამართი: მცხეთის რაიონი, სოფელი წიწამური

საიდენტიფიკაციო კოდი #236072708

ფაქტობრივი ადგილსამყოფელი: მცხეთის რაიონი, სოფელი წიწამური

4. საქმის განხილვისას დადგინდა შემდეგი გარემოებები:

მიმდინარე წლის 08 ნოემბერს შემოწმდა მცხეთის რაიონის, სოფელ წიწამურში მდებარე შპს „ხეკორძულას“ აღრიცხვის კვანძი (აბ#4110351450), აღმოჩნდა, რომ აბონენტის მრიცხველი თვითნებურად არის შეცვლილი, მასზე აღრიცხული არის 8233 კვტ.სთ. აღნიშნული მრიცხველი რეგისტრირებული არ არის კომპანიის ბილინგის ბაზაში. ადგილი ჰქონდა ელ.ენერგიის დატაცებას, რაზედაც შედგა ადმინისტრაციული სამართალდარღვევის ოქმი. შპს „ხეკორძულას“ (ს/კ#236072708) მიმართ 10.11.2021-ში შედგენილ ადმინისტრაციული სამართალდარღვევის ოქმს ას #008099 ხელი მოაწერა შპს „ხეკორძულას“-ს წამომადგენელმა კონსტანტინე კურტანიძემ, რომელმაც განმარტა, რომ

სს „ენერგო-პრო ჯორჯია“

კონსტანტინე კურტანიძემ, რომელმაც განმარტა, რომ აბონენტის აღრიცხვის კვანძი დაზიანდა უცხო პირის მიერ, ხოლო ახალი მრიცხველი დამონტაჟდა 2021 წლის 28 აგვისტოს და მასზე აღრიცხული კილოვატები მოხმარებულია მათ მიერ, რომ მზად არის, გადაიხადოს მოხმარებული ელ.ენერგიის საფასური. შპს „ხეკორძულა“-ს (ს/კ #236072708) მიერ ელექტროენერგიის დატაცება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2021 წლის 10 ნოემბერს ელექტრონულად გამოგზავნილი ინფორმაციით. საქმეში წარმოდგენილია 08.11.2021-ში შედგენილი აღრიცხვის კვანძის შემოწმება-მიღების აქტი #863660, რომლითაც დასტურდება შპს „ხეკორძულა“-ს მიერ ელ.ენერგიის დატაცება, აქტში აღნიშნულია, რომ შემოწმდა #4110351450 აბონენტი, აღმოჩნდა რომ აბონენტის მრიცხველი ადგილზე არ იყო, ხოლო მის ნაცვლად დამონტაჟებული იყო ახალი მრიცხველი, ობიექტის წარმომადგენლის თქმით მრიცხველი დამონტაჟებულია დაახლოები თვენახევარ-ორი თვის წინ, საწყისი ჩვენება უცნობია, მრიცხველის ჩვენება იყო 008233. უცნობია თუ როდის მოიხსნა ძველი მრიცხველი და შესაბამისად, როდის დამონტაჟდა ახალი. საქმეში დევს დადასტურება, რომ სამართალდამრღვევს ეცნობა საქმის განხილვის დროისა და ადგილის თაობაზე. სხდომაზე არ გამოცხადდა შპს „ხეკორძულას“ წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუპირთავს. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან;), რომელთა მეშვეობითაც დგინდება შპს „ხეკორძულას“ (ს/კ#236072708) მიერ ადმინისტრაციულ სამართალდარღვევათა კოდექსის 96' მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელექტროენერგიის დატაცება. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციულ სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96' მუხლის პირველი ნაწილით; მე-10; 38-ე; 236-ე; 240-ე; 228<sup>2</sup>-ე მუხლებით; 266-ე მუხლის მე-4 ნაწილით; სემეკის 12.08.10 #14 და 28.06.21 #19 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, 01.07.21 or #2021018 ბრძანებით და



და ვ ა დ გ ი ნ ე:

6. შპს „ხეკორძულა“ (ს/კ 236072708 ) ცნობილ იქნეს ადმინისტრაციულ სამართალდამრღვევად ა.ს.კ. 96<sup>1</sup> მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:  
ნინელი ბოჭორიშვილი

